



REPUBLIKA E SHQIPËRISË

**QENDRA E PARANDALIMIT TË
KRIMEVE TË TË MITURVE DHE TË
RINJVE**

CARITAS SHQIPTAR



Nr. 219 prot.
Tiranë, më 08.09. 2022



Nr. 340 prot.
Tiranë, më 8.9. 2022

MARRËVESHJE BASHKËPUNIMI

NDËRMJET

***QENDRËSSË PARANDALIMIT TË KRIMEVE TË TË MITURVE DHE
TË RINJVE***

DHE

ORGANIZATËS JOFITIMPRURËSE “CARITAS SHQIPTAR”

“Për

***ofrimin e shërbimeve në kuadër të rehabilitimit dhe riintegritimit të të miturve
dhe të rinjve në konflikt me ligjin”***

Sot, më datë 08.09 2022, në Tiranë, lidhet kjo Marrëveshje Bashkëpunimi ndërmjet palëve:

Qendra e Parandalimit të Krimeve të të Miturve dhe të Rinjve (më poshtë “QPKMR”), përfaqësuar nga Znj. Klaudia HASANLLARI, me adresë Bulevardi “Zog I - rë”, Tiranë dhe e-mail: qpkmr@drejtesia.gov.al.

dhe

Oraganizata jo fitimprurëse Caritas Shqiptar, përfaqësuar nga Drejtori Kombëtar Znj, Juljana Reso person juridik, krijuar me Vendim të Gjykatës së Rrethit Gjyqësor Tiranë, Nr. 6415, datë 03/10/1995, me seli në Rrugën “Don Bosko” Nr. 4, Tiranë, Shqipëri dhe NIPT J61919004K.

Duke qenë se Palët:

Vlerësojnë rëndësinë e përmirësimit të administrimit të drejtësisë penale për të miturit në konflikt me ligjin në kuadër të forcimit të shtetit të së drejtës dhe përmirësimit të respektimit të të drejtave të njeriut;

Konsiderojnë se një ndër objektivat kyç në ushtrimin e veprimtarisë së institucioneve në nivel qendror dhe vendor është efikasiteti në ofrimin e shërbimeve ndaj qytetarëve në përputhje me nevojat e tyre;

Marrin në konsideratë politikat e ndjekura dhe masat e ndërmarra në nivel legjislativ për të mbrojtur dhe garantuar të drejtat e të miturve në konflikt me ligjin dhe kërkesat për implementimin e suksesshëm të tyre;

Synojnë implementimin efektiv të Kodit të Drejtësisë Penale për të Mitur nëpërmjet mbrojtjes së interesit më të lartë të të miturve, integritit social dhe rehabilitimit të të miturve në konflikt me ligjin, viktimave dhe dëshmitarëve;

Konfirmojnë angazhimin institucional për të siguruar standarde të larta të veprimtarisë dhe për të adresuar nevojat e strukturave zbatuese të ligjit për drejtësinë për të miturit për pasjen e një kuadri institucional dhe infrastrukturor mbështetës në qasje me objektivin e drejtësisë miqësore për fëmijët;

Ne ndihmojmë duke u bazuar në vlerat shpirtërore dhe humanitare. Besojmë që çdo njeri ka të drejtë të jetë i përfshirë në vendime që kanë ndikim në jetën e tyre. Ne besojmë se respekti për të drejtat e njeriut do të garantojë një zhvillim të qëndrueshëm.

Afirmojnë vullnetin dhe vendosmërinë për të bashkëpunuar dhe kontribuar në realizimin e qëllimit të kësaj marrëveshjeje, për të përmbushur angazhimet e ndërmarra në kuadër të instrumenteve ndërkombëtare, si dhe legjislacionit shqiptar në fuqi;

Kanë rënë dakord të lidhin këtë Marrëveshje Bashkëpunimi, në vijim e quajtur *Marrëveshje*.

Neni 1

Qëllimi i Marrëveshjes

Kjo marrëveshje ka për qëllim përcaktimin e mënyrave të bashkëpunimit midis Organizatës Caritas Shqiptar dhe Qendrës së Parandalimit të Krimeve të të Miturve dhe të Rinjve (QPKMR) për të siguruar përkrahje dhe mbështetje për rehabilitimin dhe riintegrimin e të miturve pas përfundimit të dënimit.

Neni 2

Baza Ligjore

Kjo Marrëveshje Bashkëpunimi bazohet në ligjin nr. 37/2017 “Kodi i Drejtësisë Penale për të Mitur”; ligjin nr.18/2017, “Për të Drejtat dhe Mbrojtjen dhe e Fëmijës”; ligjin nr. 121/2016, “Për Shërbimet e Kujdesit Shoqëror në Republikën e Shqipërisë; VKM nr.148, datë 13.03.2018 “Për përcaktimin e rregullave të bashkëpunimit ndërmjet mekanizmave këshillimorë e koordinues institucionalë, strukturave për të drejtat dhe mbrojtjen e fëmijës dhe organizatave jofitimprurëse, për realizimin e politikave kombëtare e vendore, si dhe për shërbimet e nevojshme për mbrojtjen e fëmijës”; si dhe VKM nr. 314, datë 15.05.2019, “Për organizimin, funksionimin, si dhe përcaktimin e rregullimeve specifike lidhur me strukturën dhe organikën e Qendrës së Parandalimit të Krimeve të të Miturve dhe të Rinjve”.

Neni 3

Kohëzgjatja e marrëveshjes

Kjo Marrëveshje Bashkëpunimi lidhet për një periudhë 1 (një) vjeçare me të drejtë ripërtëritjeje.

Neni 4

Detyrat e palëve

1. Qendra e Parandalimit të Krimeve të të Miturve dhe të Rinjve (QPKMR) angazhohet:
 - a) Në bashkëpunim me Caritas Shqiptar të hartojë programin individual mbi nevojat specifike të të miturive që kanë përfunduar ose janë duke vuajtur dënimin, në të cilën evidentohet nevojat dhe shërbime të tjera që Caritas Shqiptar disponon, si dhe të komunikojë me personin përgjegjës nga Caritas Shqiptar për ndjekjen e rasteve.
 - b) Të bashkëpunojë me Caritas Shqiptar për monitorimin e zbatimit të programit individual të trajtimit të dënuarit të mitur, gjatë gjithë periudhës kohore të nevojshme pas përfundimit të dënimit.
 - c) Të ndajë me Caritas Shqiptar praktikat më të mira në lidhje me objektivat e përcaktuara në Marrëveshje.
 - d) Të marrë pjesë në takime dhe tryeza të përbashkëta, të cilat zhvillohen nga Caritas Shqiptar në kuadër të rritjes së kapaciteteve në lidhje me zbatimin e legjislacionit për masat alternative dhe integrimin pas përfundimit të dënimit.

2. Caritas Shqiptar referuar projektit që implementon “Shtegu i Mundësive”, angazhohet:
 - a) Të mbështesë dhe promovojë në punësim, edukim, financim për iniciativat ekonomike të të miturve pas përfundimit të dënimit.
 - b) Në konsultimin dhe bashkëpunimin e vazhdueshëm me familjen dhe komunitetin për ti ofruar mbështetjen e nevojshme.
 - c) Të referojë rastet pranë strukturave dhe institucioneve përkatëse.
 - d) Të organizojë takime dhe tryeza të përbashkëta, në kuadër të rritjes së kapaciteteve në lidhje me zbatimin e legjislacionit për masat alternative dhe integrimin pas përfundimit të dënimit.

Neni 5

Personat e Kontaktit

1. Secila nga palët përcakton një person kontakti të cilës/it i drejtohen të gjithë komunikimet, qofshin verbale apo të shkruara, elektronike ashtu edhe të shtypura.
2. Në çastin e nënshkrimit të kësaj marrëveshjeje, personat e kontaktit janë si vijon:
 - a) Për Caritas Shqiptar : Znj. Juljana Reso, Drejtor, me numër kontakti Cel: 0692077299.
 - b) Për QPKMR: Znj. Klaudia HASANLLARI, Drejtor, me numër kontakti Cel: 0688751513.
3. Këta persona do të jenë përgjegjës gjithashtu për saktësinë e protokolleve, procesverbaleve dhe çdo dokumenti tjetër të nevojshëm.
4. Në rast të ndryshimit të njërit nga këta persona, pala e cila përfaqësohet prej këtij personi, duhet të sigurohet që të njoftojë me shkrim palën tjetër nënshkruese brenda 5 (pesë) ditësh, për të dhënat e personit të ri të kontaktit.

Neni 6

Konfidencialiteti

1. Palët, në dijeni të përgjegjësisë së tyre ligjore, zotohen të respektojnë dhe të ruajnë etikën profesionale dhe konfidencialitetin e informacionit për secilin nga rastet objekt të bashkëpunimit midis tyre.
2. Në qoftë se nevojitet, në funksion të interesit më të lartë të fëmijës, njëra palë mund t'u kalojë informacionet e përftuara mbi personat subjekt i kësaj Marrëveshjeje (Neni 1 më lart) palëve të treta, duke njoftuar/sqaruar paraprakisht me e-mail apo shkresë palën tjetër nënshkruese të kësaj Marrëveshjeje në lidhje me këtë veprim.

Neni 7

Përfundimi i Marrëveshjes

1. Secila nga palët mund të përfundojë këtë Marrëveshje përpara afatit të përcaktuar në nenin 3, duke njoftuar palën tjetër me shkrim, jo më vonë se 30 (tridhjetë) ditë përpara përfundimit të marrëdhënieve të Marrëveshjes, duke dhënë sqarime të hollësishme mbi këtë ndërprerje.
2. Për çdo rast, pavarësisht mënyrës së përfundimit, secila nga palët do të përmbushë të gjitha detyrimet që rrjedhin nga Marrëveshja deri në çastin e ndërprerjes së marrëdhënieve.

Neni 8
Hyrja në fuqi

Marrëveshja hyn në fuqi nga dita e nënshkrimit të saj.

Neni 9
Dispozita të fundit

1. Kjo marrëveshje hartohet në katër kopje të barasvlershme, nga dy kopje për secilën palë, të firmosura nga titullarët dhe të vulosura me vulat zyrtare të institucioneve palë.
2. Marrëveshja mund të ndryshohet vetëm nëpërmjet një dokumenti me shkrim të nënshkruar nga të dyja palët.

PËR

**QENDRËN E PARANDALIMIT
TË KRIMEVE TË TË MITURVE
DHE TË RINJVE (QPKMR)
DREJTOR**

KLAUDIA HASANLLARI



PËR

**CARITAS SHQIPTAR
DREJTOR KOMBËTAR**

JULJANA RESO

